

Espello TOSTA

Prezo: 302,50 € (IVE incluído)

Descrición

O espello TOSTA, concibido a partir dun segmento de taboleiro da castiñeira, é unha peza versátil que encherá coa súa soa presenza calquera recibidor, corredor, baño, aseo ou vestidor. Aínda que non seremos nós quen diga onde quedará mellor: é a túa casa, o teu negocio, o teu lugar.

Conservamos algunhas marcas na parte superior da peza porque lle aportan ese aspecto despeiteado e divertido que, ademais, proporciona un movemento delicioso.

Na parte inferior incluimos unha pequena balda embelecida co coiro da correa dunha vella guitarra, ideal para deixar os produtos de aseo, as flores, as gafas ou as chaves. Mais estas últimas, o mesmo ca o bolso ou a bufanda, tamén poden pendurarse do orixinal gancho.



Espello TOSTA

Medidas

Alto 655 mm (+40mm gancho)

Ancho 380 mm

Fondo 135 mm

Grosor táboa 40 mm

Peso

7,8 kg (sen embalaxe)

Capacidade de carga

2 kg (Sobre a balda)

Material principal

Castiñeiro macizo

Outros materiais

Coiro: reutilizado procedente dunha correa de guitarra

Metal: gancho reutilizado procedente da remodelación dunha estación de servizo

Cristal de espello: reutilizado, é un fragmento recuperado dun espello de vestidor descartado

Parafusos, etc.



Espello TOSTA

Tratamento da madeira

Descortizada e pulida ata chegar a un gran 320, tras recibir seis pasadas de auga para eliminar todo o repelo e protexida con lasur incoloro á auga para protección e mantemento da cor orixinal, resaltando a veta da madeira de castiñeiro.

Cor

Madeira de castiñeiro natural. Varía segundo a consistencia, sendo máis escura nos bordes ou nas áreas onde os taninos protexeron á árbore cando vivía. As cores da madeira poden variar nas fotografías e á vista, dependendo da luz á que se expoñan. Co paso do tempo a madeira irá adquirindo unha pátina máis escura. Se é situada nun lugar onde fique exposta á luz solar directa, escurecerá máis.

Consellos de instalación

A forma do espello TOSTA engana á vista. Por iso conta con dous orificios na parte posterior que, ademais de servir para encaixar o soporte de fixación elixido, axudan para conseguir unha colocación a nivel. É importante que os soportes que se fixen na parede si estean a nivel con respecto ao chan da estancia.

Limpeza e mantemento

Para a madeira: limpar unicamente cun pano limpo lixeiramente humedecido para retirar po ou graxa e deixar secar antes de volver colocar elementos sobre a balda da peza.

Para o coiro: limpar unicamente cun pano limpo e seco ou un plumero. É recomendable aplicar unha noz de crema hidratante de xeito homoxéneo cada seis ou doce meses, dependendo da humidade relativa da estancia (a menor humidade, máis frecuencia).

Para o espello: como calquera espello. A nosa recomendación: un pouco de alento e un pano que non deixe febras, frotando suavemente. Outra opción excelente é combinar unha parte de vinagre de viño con tres de auga, vaporizar e limpar co mesmo pano ou papel de xornal.

Non pousar sobre a balda obxectos mollados ou que a poidan tinxir.

